




તો માનુસ નૂહ હતા. સેથ ના વારીશ, નૂહ ધર્મી અન
ન્યાયી હતા. તો દેવને હારી ચાલનાર હતા. તેની તેને
ત્રીન પોસા સાહલા પન પરમેશ્વરલા માન
દેવલા શીખવેલ હતાં. આતાં પરમેશ્વરની
નૂહલા વિચિત્ર અન ખાસ
રીતે ઉપયોગ કરુલા
યોજના બનાવી.

માનુસ ને દુઃખ ની શરૂવાત
પરમેશ્વરને વચન, બાઇબલ માહુન ગોઠ,
માહુન મીળી ચેહે
ઉત્પત્તિ: ૩-૬

“તુમને શબ્દના મેળાપ (બોલુલા) ઉજેડ દેહે.”
ગીતશાસ્ત્ર ૧૧૯:૧૩૦

માનુસ ને દુઃખ ની શરૂવાત



લીખનાર Edward Hughes
સાંગનાર Byron Unger; Lazarus

ભાષાંતર કરનાર Tumbda Prabhubhai Manakiyabhai
અપનાવનાર Bob Davies; Tammy S.

૬૦ ની ર વાર્તા

M1914.org

Bible for Children, PO Box 3, Winnipeg MB R3C 2G1 Canada

લાયસન: જાંવ સુધી તુમી ઇકુલા ની માગા તાંવ સુધી તુમની સત્તા
આહા કા તુમી ચી વાર્તા છાપી અન નકલ કરી સકા.

પરમેશ્વર જાણહ કા આપલે ખરાબ કામ કેહેલ,
જેલા તો પાપ સાંગહ. પાપના દંડ તો મરણ આહા.

રમેશ્વર આપાવર ખુબ પ્રેમ કરહ તાહાં તેની તેના પોસા
ઈસુ દવાડા જો કુરુસ વર આપલે દંડ માટે મરણ પામના.
ઈસુ જીવતા આહા અન સરગમાં ચડી ગે. આતાં
પરમેશ્વર આપલા પાપ માફ કરી દીલ.

જો તુમી તુમને પાપ માહુન કિરુલા માગતાહાંસ ત દેવલા
ઈસાં સાંગાં: વ્હાલા દેવ માં વિશ્વાસ કરાહાં કા ઈસુ માને માટે
મરણ પામના અન આજુ જીવતા આહા. ખરેખર માને જીવનમાં
ચે અન માના પાપ માફ કરી દે કા માલા નવાં જીવન મીળ
અન તુને હારી અનંતજીવન સુધી રહાં. તુને માટે તુના પોસા
જીસાં રહુલા મદદ કર. આમીન. યોહાન ૩:૧૬

બાઇબલ વાંચા અન દેવ હારી દરરોજ ગોઠ લાવા!


કુકણા


Kukna

પરમેશ્વરની આખાંજ બનવાં! જદવ
પરમેશ્વરની પુડલા ગોહો બનવાં, આદમ,
તો એદન વાડી માં તેને બાયકો હવા,
હારી રહના. તે દોની જનાં દેવને હારી
એકદમ આનંદિત અન બેસ
રહ હતાંત. તે દિસ સુધી ...



“પરમેશ્વરની કાચ
આપે ઝાડના ફળ
ખાવલા ના પાડી હી?
સાપ ની હવાલા
સોદાં. “આમી એક
સિવાય આખાં ફળ
ખાય સક જ હન,”
બાયકોની સાંગાં.
“જદવ આમી તીં ફળ
ખાંવ તદવ આમી
મરી જાંવ.”






“તુમી મરી ની જા,” સાપ સાંગી ની હોસના. “તુમી દેવને જીસાં હુયી જાસા.” હવા લા તે ઝાડ ના ફળ ખાવલા મન હતાં. તેની સાપ ની ગોઠ માની અન તી ફળ ખાદાં.

3



હવા ની પરમેશ્વરલા દગા દીદા, તેને માંગું તેની આદમ લા તી ફળ ખાવલા દીદાં. આદમ સાંગી સકતા કા, “ની! માં દેવને નિયમલા દગા ની દી સકાં.”

4




જદવ આદમ અન હવા પાપ કરનાંત, તેહલા દોને જનાં લા ખબર પડની કા તે નાગાં આહત. ઉબરાનાં પાનાં પોતાને આંગલા લીટાલી અન પરમેશ્વરની હાજરી માહુન દૂર હુયી ને ઝાડી માં દપી ગેંત.

5




સાંજ ને સેઠે વખતે પરમેશ્વર વાડીમાં આના. તેલા આદમ અન હવા કાય કરનાંત તેની ખબર હતી. આદમ ની હવા લા દોષ દીદા. હવા ની સાપ લા દોષ દીદા.

6



પરમેશ્વરની સાંગાં, “સાપ વર શ્રાપ આહા. બાયકો જદવ પોસાહલા જન્મ દીલ તદવ દુઃખ વેઠીલ.” “આદમ તુમી પાપ કું તાહાં જમીન કાંટા અન ખાખરા કન શાપિત હુયની. તુમી ધાંમજીર હુયી મહેનત કરસા તાહાં દિવસના પોટ ભરસા.”

7




પરમેશ્વરની આદમ અન હવાલા સુંદર વાડીમાંહુન તંગાડી કાબા. કાસાકા તેહી પાપ કરાં, તે જીવન દેનાર દેવ પાસુંન દૂર હુયી ગેંત!

8



તેહલા બાહેર રાખુલા સારી પરમેશ્વરની ઉજડ રૂપ તલવાર તઠ બનવી. પરમેશ્વરની ચામડાંના ડગલાં આદમ અન હવા માટે બનવાંત. દેવની કઠું ચામડાં લીદાં હવાં?

9



તે સમય માં આદમ અન હવાલા પરિવાર હુયના. તેહના પુડલા પોસા કાઈન, ખેતરમાં કામ કર હતા. તેહના દુસરા પોસા હાબેલ, ગોવાળ હતા. એક દિસ કાઈન દેવ પાસી ભેટ તરીકે જરાક શાકભાજી લી આના. હાબેલ ભેટ તરીકે તેને ઢોર માહુન બેસ બોકડે લી આના. દેવ હાબેલ ને ભેટ કન ખુશ હુયના.

10




પરમેશ્વર કાઈન ને ભેટ કન ખુશ ની હતા. તાહાં કાઈન લા ખુબ રગ આની. પન પરમેશ્વરની તેલા સાંગાં, “જો તું બેસ ભેટ આહ તી દેસીલ ત તુલા કબૂલ ની કર (રાખ) જ કા?”

11



કાઈન ની રગ નીગી જાયેલ ની હતી. થોડાક સમય માંગું તો ખેતરમાં હાબેલ વર ધાંવદી ગે અન તેલા મારી ટાકના!

12



પરમેશ્વરની કાઈન લા સાંગાં. “તુના ભાવુસ, હાબેલ કેવ આહા?” “માલા ખબર નીહિ,” કાઈન ઠગના. “માં કાય માને ભાવુસના થેવનાર આહાંવ?” પરમેશ્વરની કાઈનની તેની ખેતરમાં કામ કરુલા આવડત લી લીદી અન ભટકત હિંડ ઈસી સજા દીદી.

13



કાઈન પરમેશ્વરની હાજરી માહુન દૂર જાતા રહના. તેની માગુન આદમ અન હવાને પોસી હારી લગન કરાં. અન તેહના પરિવાર હુયના. લગેજ કાઈનના પોસાના પોસા અન તેહના પોસા હીં તેની ગવસેલ જાગા (શહેર) વંશ કન ભરી દીદાં.

14



તોડેકમાં આદમ અન હવાના પરિવાર લેગ-લેગ વદી ગે. તે સમયમાં લોકાં આજને કરતાં વધારે જીવ હતાંત.

15



જદવ તેના પોસા સેથ જનમ લીનેલ તદવ હવા સાંગનેલ, “પરમેશ્વરની માલા સેથ, હાબેલ ને જાગાવર દીદા હા.” સેથ દેવના માનનાર માનુસ હતા જો ૯૧૨ વર્ષા જીવના અન તેનાં ખુબ પોસા હતાંત.

16



દુનેમાં લોકાં વધારી ખરાબ અન ખરાબ બનુલા લાગી ગેંત કાહા કા તેહી એક દુસરે પેઢી ના અનુકરણ કરાં.

17



છલ્લે પરમેશ્વરની માનુસ દુનેલા નાશ કરુલા લીયારા અન આખાં જાનવર અન પક્ષી. પરમેશ્વરલા માનુસ બનવેલ તેનાં દુઃખ હુયાં. પન એક માનુસની દેવલા ખુશ કરાં ...

18